

Na osnovu člana 151. stav (4) i člana 141. stav (4) Zakona o zdravstvenoj zaštiti („Službene novine Federacije BiH“, broj 46/10 i 75/13), a u vezi s članom 18. Pravilnika o dodatnoj edukaciji iz oblasti ranog rasta i razvoja djece („Službene novine Federacije BiH“, broj 53/25), Zavod za javno zdravstvo Federacije Bosne i Hercegovine (ZZJZ FBiH), objavljuje

JAVNI OGLAS za dodatnu edukaciju u oblasti ranog rasta i razvoja djece

Federalno ministarstvo zdravstva (FMZ) u saradnji s nosiocem edukacije i uz finansijsku podršku UNICEF-a, organizira za uposlenike domova zdravlja: JZNU DZ „Dr. Mustafa Šehović“ Tuzla, JZU DZ Jablanica, JU DZ „Dr. Isak Samokovlija“ Goražde i JU DZ Kiseljak

- Osnovni nivo edukacije po Programu za ranu detekciju i praćenje razvoja djece od rođenja do polaska u školu (PRD) – za ukupno 10 uposlenika iz pedijatrijskih službi i multidisciplinarnih timova koji su predviđeni za rad u CRRR (medicinska sestra - tehničar - VŠS, medicinska sestra - tehničar - SSS, psiholog, logoped, okupacioni terapeut).

Uz zahtjev za edukaciju PRD, dostavljaju se dokazi o ispunjavanju sljedećih uvjeta:

- dokaz o završenoj školi, odnosno fakultetu;
- položen stručni ispit (samo za zdravstvene radnike);
- potvrdu poslodavca da je polaznik edukacije zaposlen u zdravstvenoj ustanovi koja podnosi zahtjev za edukaciju s navođenjem naziva radnog mjesta polaznika edukacije i službe/centra u kojoj je polaznik edukacije zaposlen;
- potvrdu o posjedovanju najmanje jedne godine radnog iskustva u struci.

Ovjerene kopije dokumenta ne smiju biti starije od 3 mjeseca, a potvrda o zaposlenju u zdravstvenoj ustanovi ne smije biti starija od dana objave javnog oglasa.

Zahtjev za edukaciju PRD je dostupan na web stranici ZZJZ FBiH (www.zzjzfbih.ba).

Za prijavu na Javni oglas potrebno je popunjeni zahtjev za edukaciju PRD sa svim dokumentima, u zatvorenoj koverti, lično ili putem pošte dostaviti u Zavod za javno zdravstvo Federacije Bosne i Hercegovine, Vukovarska 46, 88000 Mostar.

Na koverti navesti: *PRIJAVA NA JAVNI OGLAS ZA DODATNU EDUKACIJU U OBLASTI RANOG RASTA I RAZVOJA DJECE.*

Javni oglas se objavljuje na web stranici ZZJZ FBiH (www.zzjzfbih.ba) i FMZ (www.fmoh.gov.ba).

Rok za podnošenje prijava traje 15 dana od dana posljednje objave.

Nepotpune i neblagovremene prijave neće se uzeti u razmatranje.

Raspored edukacija bit će objavljen na web stranici ZZJZ FBiH nakon završetka konkursne procedure.